

Broj: 27-23-2/23

Datum: 10.08.2023. godine

Na osnovu člana 100. stav 3. Zakona o javnim nabavkama BiH (Službeni glasnik BiH, broj: 39/14) člana 66. Statuta JKP „Čistoća“ d.o.o Cazin broj: 36-SP-2-3/18 od 20.03.2018. godine, a rješavajući po žalbi „HDI“ doo Sarajevo, ul. Gora bb, 71321 Semizovac, Vogošća, zastupano po punomoćniku Sanel Nezirić, advokat iz Sarajeva, UL. La Benevolencija broj:2, Sarajevo, koja je izjavljena na tendersku dokumentaciju za nabavku „Izvođenje radova na uklanjanju stare stolarije, nabavka i ugradnja nove stolarije i zaziđivanje otvora“, direktor JKP „Čistoća“ d.o.o Cazin donosi sljedeće:

RJEŠENJE

1. Žalba žalitelja „HDI“ doo Sarajevo, ul. Gora bb, 71321 Semizovac, Vogošća, zastupano po punomoćniku Sanel Nezirić, advokat iz Sarajeva, UL. La Benevolencija broj:2, Sarajevo izjavljena na Tendersku dokumentaciju u postupku nabavke „Izvođenje radova na uklanjanju stare stolarije, nabavka i ugradnja nove stolarije i zaziđivanje otvora“ pokrenut putem otvorenog postupka za dostavu ponuda broj: 27-23/23, broj Obavještenja o nabavci: 1375-1-3-23-3-24/23, objavljeno na portalu javnih nabavki 26.07.2023. godine, se usvaja u cijelosti.
2. Ovo Rješenje je osnov za preduzimanje radnje Ugovornog organa i izmjenu tenderske dokumentacije u predmetu iz tačke 1. ovog Rješenja.
3. Ugovorni organ će o preduzetoj radnji i izmjeni Tenderske dokumentacije putem portala javnih nabavki obavjestiti sve potencijalne učesnike u predmetnom postupku.
4. Ugovorni organ je u obavezi žalitelju nadokaditi troškove sastava žalbe u iznosu od 280,80 KM.
5. Ovo Rješenje će se objaviti na web stranici Preduzeća.
6. Rješenje stupa na snagu danom donošenja.

O b r a z l o ž e n j e

JKP „Čistoća“ d.o.o Cazin i JKP Vodovod d.o.o Cazin (u daljem tekstu: Ugovorni organ) je pokrenuo postupak putem Otvorenog postupka za dostavu ponuda broj: 27-23/23 za nabavku „Izvođenje radova na uklanjanju stare stolarije, nabavka i ugradnja nove stolarije i zaziđivanje otvora“, Obavještenje o nabavci broj: 1375-1-3-23-3-24/23.

Nakon preuzimanja tenderske dokumentacije, u zakonskom roku potencijalni ponuđač „HDI“ doo Sarajevo, ul. Gora bb, 71321 Semizovac, Vogošća, zastupano po punomoćniku Sanel Nezirić, advokat iz Sarajeva, UL. La Benevolencija broj:2, Sarajevo je izjavio žalbu na tendersku dokumentaciju.

Prije razmatranja žalbenih navoda, Ugovorni organ je utvrdio procesne pretpostavke, odnosno da je žalba blagovremena, dopuštena i izjavljena od ovlaštene osobe, te da su ispunjeni uslovi za razmatranje žalbe u smislu člana 100. stav 3. Zakona o javnim nabavkama BiH.

Nakon što je ispitao predhodne pretpostavke, Ugovorni organ je uvidom u žalbene navode i tendersku dokumentaciju, te analizom žalbenog navoda utvrdio sljedeće:

Žalitelj u žalbenom navodu ističe da Ugovorni organ u tenderskoj dokumentaciji pod tačkom 6. Tenderske dokumentacije propisao opis predmeta nabavke i to kako slijedi

Predmet ovog postupka nabavke je izvođenje radova na uklanjanju stare stolarije, nabavka i ugradnja nove stolarije i zaziđivanje otvora na upravnoj zgradi JKP „Vodovod“ doo Cazin i JKP „Čistoća“ doo Cazin.

Oznaka i naziv iz JRJN:

45000000-7

Građevinski radovi

45421150-0

Ugradnja nemetalne stolarije

45262522-6

Zidarski radovi

Ugovorni organ je u okviru tehničke specifikacije zahtjevanih radova u okviru Aneksa 2. Obrazac za cijenu ponude u TD propisao pripremne i završne radove, zidarske, limarske, stolarske i bravarske radove koji su predmet ove nabavke, te je u okviru istih vidljivo da se pretežni dio radova odnosi na radove stolarije, demontaže i montaže prozora, vrata i stijena, utovara šute i odvoza na gradsku deponiju itd.

Ugovorni organ je pod tačkom 12.1. Tenderske dokumentacije u pogledu minimalnih uslova u pogledu tehničke i profesionalne sposobnosti (čl. 48 i 50. ZJN), propisao da su ponuđači dužni dostaviti sljedeće:

1. *Ovjerena kopija Ovlaštenja Ministarstva za građenje, prostorno uređenje i zaštitu okoliša USK ili Federalnog ministarstva prostornog uređenja za izvođenje radova na izgradnji građevina i/ili izvođenja pojedinih radova na građevini u oblasti visokogradnje i to:*

- *građevinski radovi ili*
- *građevinsko - zanatski radovi ili*
- *zanatsko-završni radovi.*

Žalitelj smatra da se predmet ove nabavke odnosi pretežnim dijelom na radove stolarije, te u određenom dijelu na demontažu i montažu prozora, vrata i stijena, utovara šute i odvoza na gradsku deponiju, žalitelju je nejasno iz kojeg razloga Ugovorni organ zahtjeva ovlaštenje *Ministarstva za građenje, prostorno uređenje i zaštitu okoliša USK ili Federalnog ministarstva prostornog uređenja za izvođenje radova na izgradnji građevina u pogledu ovog predmeta nabavke.*

Također, žalitelj navodi da navedeni zahtjev Ugovornog organa nije srazmjeran predmetu nabavke, te navodi da ponuđači na osnovu aktuelnog izvoda iz sudskog registra mogu dokazati da se bave djelatnošću koja je predmet nabavke

Traženjem navedenih dokaza žalitelj smatra da je Ugovorni organ povrijedio odredbu člana 3. i 44. stav 3. i 4. Zakona o javnim nabavkama.

Ugovorni organ je razmotrio napred navedeni žalbeni navod žalitelja te konstatira slijedeće:

Navod žalitelja je osnovan.

Uvažavajući navode žalbe žalioaca, ugovorni organ će izvršiti ispravku tenderske dokumentacije u pogledu žalbenih navoda žalioaca i istu učiniti javno dostupnom na portalu javnih nabavki.

Ugovorni organ je u obavezi žalitelju nadokaditi troškove sastava žalbe u iznosu od 280,80 KM. Naknadu troškova sastava žalbe, ugovorni organ će izvršiti na žiro račun punomoćnika žalitelja Sanela Nezirića, advokat iz Sarajeva i to: broj računa: 134663100686364, otvoren kod ASA banka dd Sarajevo. Navedene troškove, ugovorni organ će isplatiti u roku od 5 (pet) dana računajući od dana pravosnažnosti ovog Rješenja.

Cijeneći gore navedeno, odlučeno je kao u dispozitivu ovog Rješenja.

Pouka o pravnom lijeku: Protiv ovog Rješenja može se izjaviti žalba u roku od 10 (deset) dana od dana prijema Rješenja. Žalba se izjavljuje URŽ-u , putem ugovornog organa u pisanoj formi direktno ili putem pošte, u dovoljnom broju primjeraka, a koji ne može biti manji d tri.

Dostavljeno:

- HDI d.o.o Sarajevo
- Spis predmeta,
- Web stranica preduzrća,
- Služba računovodstva UO,
- a/a.



JKP "Čistoća" doo Cazin

Direktor

Sedin Šišić, dipl.ecc